



UNIVERSITÄTS-
BIBLIOTHEK
PADERBORN

**Scientia Salvts, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

163. fer. 3. Quomodo orandus Deus, ut nos magis illuminet.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

Feria 3. Dom. infr. Oct. Ascens. 285

Conf. 3. Vt in virtutibus exerceamur necessarium esse Timorem Domini. 2. Pietatem. 3. Scientiam. 4. Fortitudinem. 5. Consilium. 6. Intellectum. 7. Sapientiam, quæ dona per septem petitiones orabo.

MEDITATIO CLXIII.

Feria 3. Dom. infra Octav. Ascens.

Quomodo orandus DEVS, ut nos magis illuminet.

Collocabo me inter Virtutes Fortitudine insignes, exequentes miracula, intenti ad Deum Fortitudinis auctorem, ad Ephes. i. Petam, quomodo orandum, ut magis illuminer.

Conf. 1. Intelligere me debere tentationem perplexam, quæ sub uno eodemque tempore, multis, varijs, & penè contrarijs vitijs impugnat, ut miser animus undique bellis cinctus, cum uni resistere nititur, in aliud, quod non timebat, luctuosâ collisione labatur; hanc, qui consolatur humiles, ut tollat Deus, humiliter invocandus.

2. Intelligenda est tentatio importuna, quam à memoriæ nostræ oculis amovere vix possumus, & semel amota iterum redit, & penè omni horâ inquietare non desinit. De hac musca manu discretionis sacrificio actionum nostrarum amovenda utimur petitione.

3. in-

3. Intelligenda est tentatio dubia, quæ ita animum ambiguitatis nubilo involvit, ut quid faciendum, aut quid omittendum sit, tenere omnino non possit. In hac, ut nubila discuriat, & quàm puerilia & vana sint, quæ nos infestant, ad Dominum recurrimus.

4. Intelligenda est tentatio fraudulenta, quæ animum decipit, malum sub specie boni proponendo, jam inermes ad bellum, ad alium locum, officium invitando, quàm ut verus oriens, ex alto devincat, & luce suâ verum aperiat, & falsum prodat, utimur petitione.

5. Intelligenda est tentatio subita, quæ repente irrumpit, & nostram considerationem prævenit, in quam sæpe incauti, & inconsiderati solent incidere, dum sine timore omnia lustrant, & decipulam sibi à satana paratam non advertunt. In hac ut fugiantur occasiones peccandi, ne diabolus subito insurgens præoccupet, & gratiam perdam, dum incauté cupiditatem expleo, utimur petitione.

6. Intelligenda est tentatio violenta, quæ adeò fortiter, & acriter impugnat, ut ab humana imbecillitate superari vix possit, nisi abundantissima gratia hujusmodi impugnationi resistat. Hanc passi sunt Martyres, tormentis, & morte ad deserendam vitam ada-

ti

Ascens. Feria 4. Dom. infr. Oct. Ascens. 287

eti. Verum, si fortis est, qui in nos irruit, fortior est, qui nos defendit. Et si violentè trahimur ad consensum peccati, potentissimè ad sustinendum sensum, & negandum consensum adjuvamus.

7. Intelligenda est tentatio occulta, quæ ita latenter ingreditur, ut in rebus agendis, vel vitandis, quæ magnam diligentiam possunt, magnam negligentiam inducat: Hæc rem optimam, & magni momenti indiscussam relinquit, ut cursim & festinanter cum magnis imperfectionibus executioni mandetur; & in hoc genere rogandus Dominus lucis, ut nos liberet à negotio perambulante in tenebris, addam Orationem Dominicam.

MEDITATIO CLXIV.

Feria 4. Dom. infra Octav. Ascens.

Quomodo orandus DEVS, ut nos illuminet ex toto.

Collocabo me inter Dominationes, terrenorum contemptores, & totâ intentione inclinatos ad summum bonum; ad Coloss. 1. Petam, quomodo orandum, ut illuminer ex toto.

Conf. 1. Quomodo me habere debeam erga meipsum. 1. Claram cognitionem debere me habere imperfectionum mearum, & sanctitatis Dei, idè que detestari propriam
vilita-